



Svakog dana čovjek je dužan podijeliti sadaku

Ebu Hurejre, radijallahu anhu, prenosi da je Allahov Poslanik, sallallahu 'alejhi ve sellem, rekao: "Na svaki ljudski zglob, svaki dan u kojem Sunce izađe, ima (daje se) milostinja: ako dvojicu pomiriš, to ti je sadaka; ako nekom pomogneš da na konja uzjaše, ili mu pomogneš da prtljag na konja natovari, i to je sadaka; lijepa riječ je sadaka; svaki korak koji načiniš radi namaza je sadaka; da s puta ukloniš ono što prolaznike uznemirava i smeta im, i to je sadaka."

[صحيح] [رواه البخاري ومسلم]

Poslanik, sallallahu alejhi ve sellem, pojašnjava da svaki punoljetni musliman svakog dana treba dati sadaku za svaki zglob u njegovom tijelu kao dobrovoljni čin zahvalnosti Allahu Uzvišenom na zdravlju i zato što mu je podario zglobove kojima može obavljati različite pokrete poput savijanja i ispravljanja. U hadisu je pojašnjeno da je sadaka svaki oblik dobročinstva i da nije ograničena samo na davanje imetka. Primjeri tome su sljedeći: Sadaka je popraviti odnos među zavađenima; sadaka je pomoći onome ko nije u stanju da se popne na jahalicu, ili da natovari stvari; sadaka je svaka lijepa riječ poput: zikra, dove, selama i tome slično; sadaka je svaki korak kojim se korača s ciljem obavljanja namaza; te je i sadaka da se ukloni s puta sve što smeta prolaznicima.

<https://www.sunnah.global/hadeeth/bs/show/66527>

